

ORDVICES.

SIllurum, & Dimetarum, quas hactenus peragravimus regiones, posteritas, cum tribus Principibus pareret *Vallia*, sua lingua Deheu-barth, id est, dextram partem, Angli South-Wales (ut dictum est) vocaverunt. Reliquos duos principatus (quos illi Guineth & Powis, nos North-Wales & Powisland dicimus) insederunt olim ORDOVICES, qui & ORDEVICES, ORDOVICÆ, & alicubi, sed corruptissime, Ordolucæ. Gens valida & animosa, utpote qua montibus inharet, & solo animatur suo, quaque diutissime cum Romani, tum Angli imperii immunitis agitavit: nec ante Domitianus tempora à Romanis devicta: tunc enim Iulius Agricola universam prope gentem debellarvit, nec ante Edvardi Primi tempora ab Anglis in Provinciam redacta. Libertate enim diu luxuriarunt, sua fortitudine, locorumque difficultate freti, qua insidiis & protrahendo bello quodammodo nata videantur.

Horum fines determinare non adeo difficile, nominis autem veram rationem reddere quam difficilimum existimo. Opinionem tamen concepi, cum supra duo flumina Devi, qua vicinis fontibus orta in diversa feruntur, confederint, & Oar-devi supra Devi flumina lingua Britannica significet, inde illos Ordevices dictos fuisse, perinde ac Arverni, quod supra Garumnam, Armorici quod super mare, Horesci quod supra Escam flu. habitarint, fuerint denominati. Nec sine vestigiis intercidit Ordevicum in hoc tractu nomen, magna enim ejus pars, qua mari adjacet, Ardudwy etiamnun incolis vocatur, ex quo Ordovic, & Ordovices molliori sono conflasse videantur Romani. Sed una universa regio recentiori nomine Latinis (prater unam regiunculam) Guinethia & Venedotia, Britannis Guineth nuncupatur, à Venetis Armorica, qui, ut habet Cæsar, in Britanniam creberrime navigare soliti, ut quidam suspicantur. Sin fas mibi sit unicam literulam immutare, arbitrarer hoc nomen Gracis, & Pausania innotuisse, qui in Arcadicis prodit, Antonium Pium male multasse Brigantes nostros, eo quod GENOVNIAM Romanorum in Britannia provinciam incursassent. Certe si Genouthiam pro Genounia legere fas fuerit, ita illa voce ad Guinthiam accedit, & Guinethia hac situ adeo Brigantibus contermina jacet, ut nisi hanc regionem intellexerit Pausanias, quanam illa fuerit, Sibylla ipsa viderit. Ceterum ad Ordovices spectaruunt regiones illa, qua nunc Anglice novis nominibus, Montgomery-shire, Merioneth-shire, Caernarvon-shire, Denbigh-shire, & Flint-shire appellantur.

MONTGOMERY-SHIRE.

Montgomeryshire, Britannice Sire Tre-faldwin, à primario oppido ad medium Solem Ceretica & Radnoria, ad Orientem Salopia, ad Boream Denbighia, & ad Occasum Merionithia circumscripta, licet montibus plurimum emineat, convallibus tamen grata fœcunditate, cum pascuis, tum arvis utique fœlix est regio; laudatissimorumque equorum fœcunda olim genitrix, qui, ut haber Giraldus, nobilem pictura formam protrahente natura, tam membra sua majestate, quam incomparabili velociate valde commendabiles fuerunt. In extremo hujus agri ad Occasum, ubi quasi in conum desinit, Machleneth sedet, forsitan Romanis MAGLONA, in qua sub duce Britanniarum præsidium egit Honori Augusti tempore Præfetus Numeri Solensem ad montanos cohibendos, & ad secundum hinc milliare juxta Penall ostenditur locus Keven Caer, id est, Dorsum urbis dictus, ubi Romanorum numismata subinde effodiuntur, & orbicularis mœnum forma non parvo ambitu cernitur.

Plinlimon. Quinque hinc mille passus Plinlimon mons, quem dixi, in eximiam exurgit altitudinem, & ea parte, qua hujus agri latus claudit, SABRI-

NAM secundum à Tamisi Britanniæ flumen effundit. Haffren Britanni, Severne Angli indigitant. *Sabrina* fons. Quæ nominis origo, non legerim, fabellæ affine videtur quod de Sabrina virgine in eo demersa commentus est Galfridus, & Poëta nuperus, qui illum sequutus cecinit:

*In flumen precipitatur Abren,
Nomen Abren fluvio de virgine, nomen eidem
Nomine corrupto, deinde Sabrina datur.*

Hic statim à fonte ita crebris incurvus flexibus agitur, ut sâpe reverti credatur, procurrit tamen, seu potius lentus per vagatur hunc agrum, Salopiansem, Wigorniensem, & postremo Glocestrensem, vitalemque humorem glebae ubique suppeditans in Sabrinianum fretum se tandem placide exonerat: Hoc vero agro sylvis obumbratus per Lanidlos, Trenwith sive Newtowne & Caer-*New-*fuse, quod & antiquum, & antiquis privilegiis firmatum prædicant, in Boream eluctatur, & non procul ab Orientali ripa relinquit Montgomery, *Montgo-* primarium conventus oppidum, surgenti saxo, *mercy.* cui amena planities subjacet, à Baldwino limitis Wallici præfecto, regnante Guilielmo Primo, constructum, unde Tre-faldwin, id est, Baldwini op-*Trefald-* pidum Britannis vocatur. Sed Angli à Rogero *win.* Montgerico Salopiæ Comite, cuius patrimonii erat, Montgomery & Montem Gomericum dixerunt, qui,

Equi laudatissimi.

*Machleneth.
Maglona.*

Plinlimon.